

IQRA'

Bil. 4/2022
APRIL

eISBN : 2735-1920



**Majlis Sanjungan Budi Ketua Pustakawan
Ts. Noor Hidayat bin Adnan**
PTAR Shah Alam - muka 4




**Program Khidmat Masyarakat: Kongsy
Rezeki Bubur Lambuk & Pek Ramadan**
PTAR Jasin - muka 14



**Live@PTAR: Tazkirah Ramadan -
Keutamaan 10 malam Terakhir Ramadhan**
PTAR Kuala Terengganu - muka 17



Jom Baca Bersama 10 Minit@PTDI
PTAR Segamat - muka 30



Quran Hour@PST
PST Shah Alam - muka 38

PROMOSI@PTAR



LAWATAN TANDA ARAS KEMUDAHAN AUGMENTED REALITY DAN VIRTUAL REALITY (AR&VR)

6 APRIL 2022

Disediakan oleh: Asmah Sabtu



PTAR mengalu-alukan kehadiran Disaster Preparedness & Prevention Center (DPPC), Malaysia-Japan International Institute of Technology (MJIT), Universiti Teknologi Malaysia (UTM), Kuala Lumpur yang telah mengadakan lawatan tanda aras PTAR pada 06 April 2022 (Rabu) tepat jam 10:00 pagi.



Para pelawat telah disambut oleh Encik Jamalludin bin Haji Sulaiman, Ketua Jabatan Perkhidmatan Perpustakaan dan Tuan Ts. Hj. Azizi bin Jantan, Ketua Jabatan Perpustakaan Digital, PTAR.

Lawatan seramai tiga (3) orang ini diketuai YBrs. Profesor Madya Sr. Dr. Siti Uzairiah, Timbalan Pengarah, turut diiringi dua pegawai iaitu Encik Muhammad Syahir, Penolong Pegawai Penyelidik dan Encik Muhammad Islah bin Sulaiman, Penolong Jurutera.

Selama dua (2) jam, para pelawat telah dibawa melihat kemudahan AR&VR berjumlah lapan (8) unit di bilik eSports, aras satu, PTAR disamping perkongsian pendapat dan maklumat berkaitan teknologi AR&VR. Para pelawat turut mempelajari teknik penggunaan peralatan AR&VR.

PTAR sebagai pusat pengumpulan bahan-bahan pengajaran dan pembelajaran telah menyediakan kemudahan AR&VR untuk kegunaan pelajar khususnya bidang Sains Komputer dan boleh diakses penggunaannya sewaktu perpustakaan beroperasi.

Taklimat lawatan telah disampaikan dengan baik oleh Tuan Hj. Ahmad Faizar bin Jaafar, Jabatan Perpustakaan Digital, PTAR.

Di penghujung lawatan ini, kedua-dua pihak saling bertukar cenderamata sebagai tanda penghargaan sepanjang lawatan ini berlangsung.

